

সার্কুলার নংঃ বিজিএ/কাস/২০২৩/ ২৪০

তারিখঃ ৩১/১০/২০২৩

সম্মানিত সকল সদস্যের জন্য

বিষয়ঃ বাণিজ্যিকভাবে (IM-4) আমদানিকৃত পণ্য খালাসের জন্য আমদানিকারকের মনোনীত সিএন্ডএফ এজেন্টদের তালিকা অ্যাসাইকুডা ওয়ার্ল্ড সিস্টেমে সংযুক্তকরণ প্রসঙ্গে।

সূত্রঃ (ক) জাতীয় রাজস্ব বোর্ডের নথি নং ০৮.০১.০০০০.০৬৬.০৬.০০২.২২/৬৬৯, তারিখঃ ১৫/১০/২০২৩।
(খ) বিজিএমইএ'র সার্কুলার নং বিজিএ/কাস/২০২৩/২০১, তারিখঃ ২৪/০৮/২০২৩।


আপনাদের সদয় অবগতির জন্য জানানো যাচ্ছে যে, জালিয়াতির মাধ্যমে পণ্য খালাস প্রক্রিয়া বন্ধকরণের লক্ষ্যে বাণিজ্যিকভাবে (IM-4) আমদানিকৃত পণ্য খালাসের নিমিত্তে আমদানিকারকের মনোনীত সিএন্ডএফ এজেন্টের তালিকা অ্যাসাইকুডা ওয়ার্ল্ড সিস্টেমে আগামী ১৫/১১/২০২৩ইং তারিখের মধ্যে সংযুক্তকরণের জন্য জাতীয় রাজস্ব বোর্ড সূত্রোক্ত 'ক' নির্দেশনা জারী করেছে।

ইতিপূর্বে বন্ড সুবিধার আওতায় (IM-7) আমদানিকৃত পণ্য খালাসের নিমিত্তে আমদানিকারকের মনোনীত সিএন্ডএফ এজেন্টের তালিকা অ্যাসাইকুডা ওয়ার্ল্ড সিস্টেমে সংযুক্তকরণের জন্য বিজিএমইএ হতে সূত্রোক্ত 'খ' সার্কুলার জারী করা হয়েছে।

উল্লেখ্য, যে সকল প্রতিষ্ঠান ইতিমধ্যে বন্ড সুবিধার আওতায় (IM-7) আমদানিকৃত পণ্য খালাসের জন্য সিএন্ডএফ এজেন্টের তালিকা অ্যাসাইকুডা ওয়ার্ল্ড সিস্টেমে সংযুক্ত করেছেন তারা যদি উক্ত সিএন্ডএফ এজেন্ট দিয়ে বাণিজ্যিকভাবে (IM-4) আমদানিকৃত পণ্য খালাস করতে আত্মহী হন, তাহলে তা লিখিত আবেদনের মাধ্যমে সংশ্লিষ্ট কাস্টম হাউস'কে অবগত করার জন্য জাতীয় রাজস্ব বোর্ড কর্তৃক মৌখিকভাবে জানানো হয়েছে।

আপনাদের প্রয়োজনীয় কার্যার্থে সূত্রোক্ত পত্রদ্বয় এতদসঙ্গে সংযুক্ত করা হলো এবং নির্ধারিত সময়ের মধ্যে কার্যটি সম্পাদনের জন্য বিশেষভাবে অনুরোধ করা হলো।

ধন্যবাদান্তে,



মোঃ ফয়জুর রহমান
মহাসচিব

জরুরী

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
আগারগাঁও, ঢাকা।

[কাস্টমস: অটোমেশন শাখা]

নথি নং- ০৮.০১.০০০০.০৬৬.০৬.০০২.২২/৬৬৯


তারিখ: ১৫.১০.২০২৩ খ্রি.

বিষয়: IM-4 সংশ্লিষ্ট আমদানিকারকের মনোনীত সিএন্ডএফ এজেন্টদের তালিকা অ্যাসাইকুডা ওয়ার্ল্ড সিস্টেমে সংযুক্তিকরণ।

উপর্যুক্ত বিষয়ের প্রতি দৃষ্টি আকর্ষণপূর্বক জানানো যাচ্ছে যে, অ্যাসাইকুডা ওয়ার্ল্ড সিস্টেমের মাধ্যমে শুক্কায়নের কাজে নিয়োজিত কর্মকর্তাদের কার্যক্রম নিবিড়ভাবে মনিটরিং, কোন ক্ষেত্রে অনিয়ম সংঘটিত হলে দায়ী ব্যক্তিদের সহজে চিহ্নিতকরণ এবং রাজস্ব ফাঁকি রোধে কার্যকর ব্যবস্থা গ্রহণের অংশ হিসেবে অ্যাসাইকুডা ওয়ার্ল্ড সিস্টেমে প্রতিটি আমদানিকারকের বিপরীতে মনোনীত সিএন্ডএফ এজেন্ট সুনির্দিষ্টকরণের কার্যক্রম বিগত ০৩.০৮.২০২২ খ্রি. তারিখ হতে শুরু হয়েছে। ইতোমধ্যে IM-7 সংশ্লিষ্ট আমদানিকারকের মনোনীত সিএন্ডএফ এজেন্টদের তালিকা অ্যাসাইকুডা ওয়ার্ল্ড সিস্টেমে সংযুক্তিকরণের কাজ সম্পন্ন হয়েছে। এর ফলে জাল-জালিয়াতির মাধ্যমে পণ্য খালাসের বিষয়টি সহজেই চিহ্নিত করা সম্ভব হচ্ছে; সর্বোপরি শুক্কায়ন কার্যক্রমে স্বচ্ছতা ও জবাবদিহিতা নিশ্চিত হয়েছে।

০২। এমতাবস্থায়, IM-4 এর আওতায় আমদানিকৃত পণ্যের আমদানিকারকের বিপরীতে মনোনীত সিএন্ডএফ এজেন্টদের অ্যাসাইকুডা ওয়ার্ল্ড সিস্টেমে সংযুক্তিকরণের বিষয়টির নীতিগত সিদ্ধান্ত গৃহীত হয়েছে। অর্থাৎ, সংযুক্তি নেই এমন সিএন্ডএফ এজেন্টগণ অ্যাসাইকুডা ওয়ার্ল্ড সিস্টেমে IM-4 সংশ্লিষ্ট কোন ধরনের কার্যক্রম গ্রহণ করতে পারবেন না। IM-4 এর অধীনে খালাস করা হয় এমন প্রতিষ্ঠানসমূহের ক্ষেত্রে তাদের মনোনীত সিএন্ডএফ প্রতিষ্ঠান সংযুক্তিকরণের বিষয়টি আগামী ১৫.১১.২০২৩ খ্রি. তারিখের মধ্যে সম্পন্ন করার প্রয়োজনীয় ব্যবস্থা গ্রহণের জন্য নির্দেশক্রমে অনুরোধ করা হলো। তবে, এক্ষেত্রে IM-4 এর আওতায় আমদানিকারক প্রতিষ্ঠানসমূহ এ সংক্রান্ত আবেদন সংশ্লিষ্ট কাস্টম হাউস ও ল্যান্ড কাস্টমস স্টেশন সংশ্লিষ্ট ভ্যাট কমিশনারেটসমূহ বরাবর দাখিল করবেন এবং উক্ত দপ্তরসমূহে পদস্থ আইটি কর্মকর্তাগণ অ্যাসাইকুডা ওয়ার্ল্ড সিস্টেমে এ সংক্রান্ত প্রয়োজনীয় এন্ট্রি প্রদান করবেন।

০৩। বিষয়টি অতীত জরুরী বিবেচ্য।


15.10.2023
[রাকিবুল হাসান]

প্রথম সচিব (কাস্টমস: অটোমেশন)

জাতীয় রাজস্ব বোর্ড, ঢাকা

ই-মেইল-ss.asycuda@gmail.com

সার্কুলার নং: বিজিএ/কাস/২০২৩/২০২

তারিখ: ২৪/০৮/২০২৩

সম্মানিত সকল সদস্যের জন্য

বিষয়: আমদানিকারকের মনোনীত সিএন্ডএফ এজেন্টদের তালিকা অ্যাসাইকুডা ওয়ার্ল্ড সিস্টেমে সংযুক্তকরণের সময়সীমা প্রসঙ্গে।


সূত্র: জাতীয় রাজস্ব বোর্ডের নথি নং ০৮.০১.০০০০.০৬৬.০৬.০০২.২২/৬৩২, তারিখ: ২৩/০৮/২০২৩।

আপনারা অবগত আছেন যে, জালিয়াতির মাধ্যমে পণ্য খালাস প্রক্রিয়া বন্ধকরণের লক্ষ্যে অ্যাসাইকুডা ওয়ার্ল্ড সিস্টেমে বন্ড সুবিধার আওতায় (IM-7) আমদানিকৃত পণ্য খালাসের নিমিত্তে আমদানিকারকের মনোনীত সিএন্ডএফ এজেন্টের তালিকা সংযুক্তকরণের কার্যক্রম ০৩.০৮.২০২২ইং হতে শুরু হয়েছে। জাতীয় রাজস্ব বোর্ড হতে সূত্রোক্ত নথির মাধ্যমে আগামী ১৫.০৯.২০২৩ইং তারিখের মধ্যে আমদানিকারকের মনোনীত সিএন্ডএফ এজেন্টের তালিকা অ্যাসাইকুডা ওয়ার্ল্ড সিস্টেমে সংযুক্তকরণের কার্যক্রম সম্পন্ন করার জন্য নির্দেশনা প্রদান করা হয়েছে।

উল্লিখিত সময়সীমার পর অ্যাসাইকুডা ওয়ার্ল্ড সিস্টেমে নতুন বন্ড লাইসেন্স ব্যতীত অন্য কোন IM-7 সংশ্লিষ্ট আমদানিকারকের বিপরীতে মনোনীত সিএন্ডএফ এজেন্ট সংযুক্তকরণের কার্যক্রম চূড়ান্তভাবে বন্ধ করে দেয়া হবে। তবে প্রয়োজনে সিএন্ডএফ এজেন্ট পরিবর্তন করতে পারবেন।

আপনাদের প্রয়োজনীয় কার্যার্থে জাতীয় রাজস্ব বোর্ডের সূত্রোক্ত নির্দেশনার কপি এতদসঙ্গে সংযুক্ত করা হলো এবং নির্ধারিত সময়ের মধ্যে কার্যটি সম্পাদনের জন্য বিশেষভাবে অনুরোধ করা হলো।

ধন্যবাদান্তে,


মোঃ ফয়জুর রহমান
মহাসচিব